

Datum: 26. oktobar 2009.

SAOPŠTENJE ZA JAVNOST

Proaktivno i odgovorno upravljanje lokalnim razvojem – najbolji odgovor na krizu

(Neum, 24.10.2009.) Na godišnjem savjetovanju lokalnih lidera održanom od 22. do 24. oktobra 2009. u Neumu, gdje je više od sto načelnika opština, gradonačelnika i stručnjaka za lokalnu upravu iz Bosne i Hercegovine, Srbije i Hrvatske izlagalo i diskutovalo na temu „Upravljanje lokalnim razvojem u uslovima ekonomske krize“, doneseni su sljedeći zaključci:

1. Kriza najdirektnije i najdramatičnije pogađa lokalni nivo. Kao direktne posljedice ekonomske krize, u lokalnim zajednicama se gube radna mjesta, zaustavljaju se kapitalne investicije i povećava se socijalna ugroženost stanovništva.
2. Još nema potpunih, djelotvornih i efikasnih lokalnih odgovora na ekonomsku krizu. Nema ni prave podrške sa viših nivoa, ni u Bosni i Hercegovini, ni u Srbiji ni u Hrvatskoj. Djelotvornost lokalnih odgovora koji se ubrzano pripremaju i isprobavaju u opštinama i gradovima zemalja zapadnog Balkana, u velikoj će mjeri zavisiti od odgovarajuće domaće i međunarodne podrške.
3. Dugoročan i održiv odgovor na krizu je proaktivno i odgovorno upravljanje lokalnim razvojem. To najbolje potvrđuju primjeri koje su na savjetovanju predstavili naročito uspješni lokalni lideri opština i gradova iz BiH, Srbije i Hrvatske.
4. Ključnu ulogu i odgovornost u ostvarivanju takvog koncepta upravljanja i u nalaženju pravih odgovora na krizu na lokalnom nivou imaju načelnici opština i gradonačelnici. Znanja i rješenja koja im pri tome trebaju ne mogu se pronaći u knjigama, niti u formi recepata. Njih stvaraju upravo lokalni lideri u suočavanju sa izazovima kojima su izloženi, svako prema specifičnostima svoje sredine.
5. Takva znanja i rješenja se najbolje šire i unapređuju kroz međusobnu razmjenu i događaje, kao što je ovo savjetovanje. Zato učesnici savjetovanja - gradonačelnici, načelnici opština i njihovi saradnici, dokazani stručnjaci i praktičari, pozdravljaju formiranje *Edapedije* kao jedinstvenog i dinamičnog centra za stvaranje i širenje takvog znanja, koje im olakšava transformaciju upravljanja opštinama i gradovima, od reaktivnog do kreativnog.

Učesnici savjetovanja su dali najviše ocjene za korisnost, kvalitet i organizaciju savjetovanja, iza kojeg stoji Razvojna agencija *Eda* iz Banje Luke.

- KRAJ -

Više informacija o Razvojnoj agenciji *Eda* i *Edapediji* je raspoloživo na web stranicama www.edabl.org i www.edapedija.net, a za dodatne informacije se možete obratiti Milošu Šipragiću iz Razvojne agencije *Eda* na telefone: 051/300-241, 051/319-507 ili na e-mail: milos.sipragic@edabl.org.